

Siunnersuummut nassuiaatit

Siunnersuummut nassuiaatit nalinginnaasut**1. Aallaqqaasiut**

Matuminnga siunnersuuteqarnermi eqqumiitsuliornermik qaffasinnerusumik ilinniakkamut tunngatillugu ilinnialernissamut piumasaqaatinik, Qaffasinnerusumik ilinniartitaanerit pillugit Inatsisartut inatsisaanni nr. 14, 12. juni 2019-imeersumi aalajangersarneqartunik saneqqutsisoqarsinnaanissaanik pisariaqartitsisoqalersimanera tunuliaqutaavoq.

Nunatta Isiginnaartitsisarfiata Isiginnaartitsineramik Ilinniartuup inuussutissarsiornermik ilinniartuup bacheloritut ilinniartuup allangortinneqarnissaa pillugu Ilinniartitaanerit, Kultureqarnerit Ilageeqarnerimullu Naalakkersuisoqarfimmut 2020-mi ukiakkut inassuteqarneratigut pisariaqartitsineq erserpoq. Tassunga atatillugu ilinniartuup ilinniartunik akuersisarnerit atatillugu akuerisaanissamut misilitsittarnerit ingerlatiinnarneqarnissaat kissaatigineqartoq Nunatta Isiginnaartitsisarfiatit nalunaarutigineqartoq.

Bacheloritut ilinniakkami ilinnialernissamut ilinniartuunngorniarfimmik, tassunga ilanngullugit § 22 naaportorlugu ilinniartuunngorniarfimmik immikkut aqqissuussamik imaluunniit inuussutissarsiummut ilinniakkamik angusisimanissamik piumasaqaatinik kiisalu § 23 naaportorlugu karakteritigut piumasaqaataajunnartunik naammassinninnissaq QI-inatsimmi § 21-mi aalajangersarneqartut. Malittarisassat ilinniartuup aalajangersarneqartut malillugit ilinnialernissamut misilitsinneq qinnuteqartup angusiffigissagaa ilinnialernissamut aamma piumasaqaataavoq. Taamaalilluni qinnuteqartup ilinniartuunngorniarfimmik, tassunga ilanngullugu ilinniartuunngorniarnermik immikkut aqqissuussamik naammassinnissimanissaa aalajangersakkami ilaavoq. Tamanna ilinnialernissamut misilitsinnermik ilaneqarsinnaajumaarpoq, taamaattorli soorlu akuerineqarnissamut misilitsinnerit isiginnaartitsisartuunngorniarfimmi atornerqartartut taakkunanga taarserneqarsinnaanngillat.

Ilinnialernissamut piumasaqaatit saneqqunneqarsinnaanerit pillugu QI-inatsimmi aalajangersakkanik aalajangersagaqanngilaq.

Taamaattumik eqqumiitsuliornermik qaffasinnerusumik ilinniartuup, matumani isiginnaartitsisunngorniarfimmi ilinnialernissamut piumasaqaatinik saneqqutsisinnanissamut inatsisartut tunngavissinissaq siunnersuummi pingaarnertut siunertaavoq.

Tamanna Danmarkimi aamma periarfissaavoq, eqqumiitsuliornermik qaffasinnerusumik ilinniartuup immikkut ittumik malittarisassaqaartinneqarlutik. Eqqumiitsuliornermik bacheloritut

ilinniarfiit ilaanni ilinnialernissamut ilinniarnertuunngorniarfimmik assigisaannilluunniit ilinniagaqarsimanissaq piumasaqaataanngilaq. Den Danske Scenekunstscolemi isiginnaartitsisunngorniarfimmil ilinnialernissamut, Den Danske Scenekunstscole pillugu nalunaarummi nr. 1475, 1. oktober 2020-mi malittarisassaqaartinneqartumi akuerineqarnissamut misilitsinnermi angusisimanissaq piumasaqaataavoq. Taamaalilluni qinnuteqartup pikkoriffiik piginnaasaanillu nalilersueqqissaarneq tunngavigalugu ilinnialertussatut akuersinissamut aalajangiisoqartartoq Den Danske Scenekunstscole pillugu nalunaarummi § 11-mi takuneqarsinnaavoq.

Tamatuma saniatigut ilinniarnermi pissuserissaarnissamillu malittarisassanik aalajangersaanissamut tunngavissanik erseqqissaasoqarnissaanik pisariaqartitsineq ersersimavoq. QI-inatsit ilinniarnermi pissuserissaarnissamillu malittarisassanik aalajangersaanermut aalajangersakkamik erseqqissumik imaqaanngilaq. Taamaattorli § 17, imm. 2, nr. 5 litra d-mut nassuiaatini takuneqarsinnaavoq, ilinniakkanut ataasiakkaanut ilinniakkap aaqqissuunneqarnerani takkuttussaataitanermut peqataasussaataitanermulluunniit malittarisassanik aalajangersaasoqarsinnaasoq. Iisimatusarfik pillugu Inatsisartut inatsisaanni nr. 12, 12. juni 2019-imeersumi aalajangersakkat naapertorlugit rektorip ilinniarnermi pissuserissaarnissamillu ilinniartunut malittarisassanik aalajangersaassaaq. Taamaattumik qitiusumik inuussutissarsiummullu ilinniarfiit ilinniarfeqarfiillu allat QI-inatsit naapertorlugu qaffasinnerusumik ilinniakkamik neqeroorsinnaanermut akuerisaasimasut, qaffasinnerusumik ilinniarfinni ilinniarnermi pissuserissaarnissamillu ilinniartunut malittarisassanik aamma aalajangersaasinnaanissaat siunnersuutigineqarpoq.

Taamatuttaaq Naalakkersuisut nakkutilliinissamut pisinnaatitaaffiata erseqqissarnissaa tulluarsorineqarsimavoq taamalu ilinniarfik, ilinniakkamut qinnuteqartut sulisullu pillugit paasissutissat pisariallit tamaasa ilinniarfeqarfinnit, qaffasinnerusumik ilinniakkanik neqerooruteqartunit piniarsinnaavaat, taamatuttaarlu nakkutilliinissaq kisitsisitigullu paasissutissanik suliaqarnissaq siunertaralugit ilinniarfeqarfinnut alakkarsinnaanissaannut matumunngalu malittarisassanik aalajangersaasinnaanissaannut tunngavimmik erseqqissumik ilanngussisoqarluni.

Tassunga atatillugu Naalakkersuisut ilinniarfeqarfiillu qaffasinnerusumik ilinniakkanik neqerooruteqartut akornanni elektroniskiusumik attaveqatigiinneq, tassunga ilanngullugit paasissutissanik tunniussinermut atatillugu qanoq ittuunissaat ilusissaallu pillugit malittarisassanik Naalakkersuisut aalajangersaasinnaanissaannut tunngavissamik ilanngussisoqarnissaa siunnersuutigineqarpoq. Taamatuttaaq Naalakkersuisut nakkutilliinissamut isumannaallisaanissamullu piumasaqaatinik aalajangersaasinnaapput.

Naalakkersuisut immikkut ittumik pisoqartillugu, misileraalluni sulinerup perorsaallunilu inerisaanissap siuarsarnissaannik pissuteqartumik QI-inatsimmik saneqqutsinnaanissaannik periarfissiisunik aalajangersaasoqarnissaa aamma kissaatigineqarsimavoq. Naalakkersuisut

tamatuma saniatigut ilinniartunut ataasiakkaanut tunngatillugu immikkorluinnaq ittunik pissutissaqartillugu, inatsimmik saneqqutsisinnaanerat pillugu aalajangersagaqarpoq.

2. Siunnersuummi immikkoortut pingaarnertit

2.1 Inatsisit atuuttut

QI-inatsimmi § 1, imm. 2 naapertorlugu qaffasinnerusumik ilinniarfinnut tunngatillugu qaffasinnerusumik ilinniarfimmi ilinnialertussat akuerisaassagaanni ilinniarnertuunngorniarfimmik, tassunga ilanngullugu ilinniarnertuunngorniarfimmik immikkut aqqissuussamik imaluunniit inuussutissarsiummut ilinniakkamik angusisimasariaqarpoq.

Ilinnialernissamat piumasaqaatit, tassunga ilanngullugit qaffasinnerusumik ilinniarfinnut aalajangersimasunut ataasiakkaanut tunngasut pillugit malittarisassat QI-inatsimmi §§ 21-31-mi aalajangersarsimapput.

Bacheloritut ilinniarfinnut ilinnialernissamat piumasaqaatit pillugit QI-inatsimmi malittarisassanut immikkoortoq 1-imi nassuiaatit siullertut innersuunneqarput. QI-inatsimmi bacheloritut ilinniarfimmi ilinnialernissamat pingaarnertut suut piumasaqaataanersut malittarisassaqaartinneqarput. Ilinnialernissamat soraarummeersimanissamik piumasaqaatip saniatigut ilinnialernissamat ilinniarnertuunngorniarfinni ilinniartitsissutinut aalajangersimasunut tunngatillugu piumasaqaatit aalajangersimaqqissaartut aamma karakterit agguaqatigiissillugu aalajangersimasumik qaffasissuseqarnissaannut imaluunniit ilinniartitsissummi aalajangersimasumi karakterip minnerpaaffissaanik angusisimanissamat tunngatillugu piumasaqaatit pillugit aalajangersagaqarpoq. Immikkut ittumik pisoqartillugu karakteritigut piumasaqaatinit immikkut akuersinissamat QI-inatsimmi aamma periarfissaqarpoq. Immikkut akuersisarnermut nalinginnaasumik aamma aalajangersagaqarpoq, taamaalilluni suliamut tunngatillugu naleqqersuunneqarsinnaasunik piginnaasaqaraanni ilinnialernissamat piumasaqaatit saniatigut allamik tunngaveqarluni akuerineqarnissamat qinnuteqarnissamik periarfissaqarpoq.

Tamatuma saniatigut kandidatitut ilinniakkamat, ph.d.-tut ilinniakkamat, inuussutissarsiummut ilisimatusarluni ilinniakkamat, diplomitaarniarluni ilinniakkamat masteritullu ilinniakkamat ilinnialernissamat piumasaqaatit pillugit malittarisassanik aalajangersagaqarpoq.

Isiginnaartitsisunngorniarfik Isiginnaartitsisarfeqarneq pillugu Inatsisartut inatsisaani nr. 23, 18. november 2010-meersumi (Isiginnaartitsisarfeqarneq pillugu inatsimmi) malittarisassaqaartinneqarpoq. Isiginnaartitsisarfeqarneq pillugu inatsimmi § 11, imm. 1 naapertorlugu Nunatta Isiginnaartitsisarfiata isiginnaartitsisunngorniarfik aqutigalugu isiginnaartitsisartunik ilinniartitsinissaq suliasaraa.

Isiginnaartitsisarfeqarneq pillugu inatsimmi § 11, imm. 1-imut nassuiaatini takuneqarsinnaavoq ilinniagaq ukiuni marlunni ilinniarfissatut, ilinniarsimasutut

inuussutissarsiummut ilinniarfittut ilinniagaqarnersiuteqarfiusumik, Kalaallit Nunaanni inuussutissarsiummi piginnaasaqalersitsisussatut eqqarsaatigineqarsimasoq. Ilinniagaq Danmarkimi Nunanilu Avannarlerni inuussutissarsiummut toqqaannartumik piginnaasaqalersitsisassaq naatsorsuutigineqanngilaq, nunani taakkunani isiginnaartitsisunngorniarfinni qaffasissutsimit appasinnerusussaammat. Paarlattuanik Kalaallit Nunaata Isiginnaartitsisarfia, ilinniarnep aqqissuunnissaanut tunngatillugu Kalaallit Nunaata avataani isiginnaartitsisunngorniarfinnut sapinngisamik naleqqussarluakkamik siunnersuusioqquneqassaaq, taamaalilluni kalaallit isiginnaartitsisunngorniat, qaffasinnerusumik ilinniagaqarusuttut ilinniakkap ilaani angusanik nuussisinnaajumarlutik.

Isiginnaartitsisarfeqarneq pillugu inatsimmi § 11, imm. 2-mi Naalackersuisut ilinniartitaanermut siunnersuisoqatigiinnik, isiginnaartitsisunngorniarfiup pitsaassusaanik qulakkeerinninnissamik siunertaqartunik pilersitsissasut aalajangersarneqarpoq. Naalackersuisut Ilinniartitsinermut Siunnersuisoqatigiit katitigaanerit sulinerallu pillugit malittarisassanik aalajangersaassapput. Tamatuma saniatigut Isiginnaartitsisarfeqarneq pillugu inatsimmi § 11, imm. 3-mi aalajangersarneqarpoq, Kalaallit Nunaata Isiginnaartitsisarfia isumasioerlugu Naalackersuisut isiginnaartitsisartunik ilinniartitsineq pillugu erseqqinnerusunik aalajangersaanissaat, tamatumunnga ilanngullugit ilinniartussanik akuersisarneq, ilinniartitsineq aamma soraarummeernermut uppersaasatit. Kalaallit Nunaata Isiginnaartitsisarfiata Ilinniartitsinermut Siunnersuisoqatigiit tusarniaaffigereerlugit, isiginnaartitsisartut ilinniarnep aqqissugaanerata allaaserinera suliarissavaa, taannalu Naalackersuisunut akuersissatut nassuunneqassaaq. Isiginnaartitsisarfeqarneq pillugu inatsimmi § 11, imm. 3 tunngavigalugu Ilinniartitaanermut Siunnersuisoqatigiit pillugit nalunaarut atuutilersinneqarpoq, tassaasoq Kalaallit Nunaata Isiginnaartitsisarfianni isiginnaartitsisartut ilinniartitaanermut siunnersuisoqatigiit pillugit Namminersorlutik Oqartussat nalunaarutaat nr. 22, 16. december 2010-meersoq.

Ilisimatusarfik pillugu Inatsisartut inatsisaanni nr. 12, 12. juni 2019-imeersumi § 14 naapertorlugu rektorip ilinniarnermi pissuserissaarnissamillu ilinniartunut malittarisassanik, tassunga ilanngullugit ilinniarnermi pissuserissaarnissamillu malittarisassanik maleruaanngitsunut pineqaatissiinissanik aalajangersaassaaq aamma rektorip ilinniartut arlaleriarlutik sakkortuumilluunniit ilinniarnermi pissuserissaarnissamillu malittarisassanik unioqqutitsisut anisissinnaavai. Taamatuttaaq inuussutissarsiummut ilinniarfinnut ilinniarnertuunngorniarfinnullu tunngasuni assigisaannik aalajangersaasoqarsimavoq.

Naalackersuisut QI-inatsit malillugu tunngavissanik pingaarnernik aalajangersaanissamik, tassunga ilanngullugit ilinniarfeqarfiit qaffasinnerusumik ilinniakkanik neqeroorsinnaanissaannut akuersinissamik kiisalu qaffasinnerusumik ilinniarfinnik neqeroornermik akuersinissamik akisussaaffeqarput, taamaattorli QI-inatsimmi nakkutilliinissamut pisussaataaffik pillugu malittarisassanik aalajangersagaqanngilaq. Inuussutissarsiummut ilinniarfimmu ilinniarnertuunngorniarfimmullu tunngasumi tamanna

pillugu malittarisassanik aalajangersagaqarpoq. Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaanni nr. 10, 19. maj 2010-meersumi § 6, imm. 4-mi aalajangersagaq ima allassimavoq *"Naalakkersuisut ilinniakkat ilinniartitsinerlu nakkutigissavaat, Inatsisartut inatsisaat manna, malittarisassallu taanna malillugu aalajangersarneqartut naapertorlugit."* Aalajangersakkamut nassuiaatini takuneqarsinnaasutut, pisortatigut suliassa qarfiup pisussaaffigaa malittarisassanut atuuttunut naleqqiullugu uparuagassaajunnartunik uparuaanissaq, assersuutigalugu inatsisip imaluunniit taassuma nassatarisaanik malittarisassat atuuttuulersut unioqqutinneqarneri.

Taamatuttaaq Ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersumi § 67-imi aalajangersarneqarpoq, Naalakkersuisut ilinniartitsineq, misilitsinnerit soraarummeernerillu inatsit manna naapertorlugu ingerlanneqartut qullersaaffigalugit akisussaaffigigaat nakkutigisaralugillu. Taamatuttaaq inatsimmi § 68-imi aalajangersarneqarpoq, Naalakkersuisut ilinniakkat, ilinniartut sulisullu pillugit paasissutissat pisariaqartut tamaasa ilinniarnertuunngorniartarneq piniarsinnaagaat, tamatumunnga ilanngullugit ilinniarnertuunngorniartarneq alakkarnissaannik isumaginninneq nakkutilliinissaq aamma kisitsisitigut paasissutissanik suliqaarnissaq siunertaralugu, tamannalu pillugu malittarisassanik erseqqinnerusunik aalajangersaasinnaasut.

Inunnik paasissutissat sularineqartarnerat pillugu peqqussummi nr. 1238, 14. oktober 2016-meersumi § 6-imi inunnik paasissutissanik suliqaartarnermut tunngatillugu inunnik paasissutissanik nalinginnaasunik qanoq pisoqarnerani suliqaartoqassanersoq, matumani suliqaarneq inatsisitigut pisussaataaaffiup naammassinissaanut pisariaqarnerisigut pillugit aalajangersagaqarpoq.

QI-inatsimmi misileraalluni inerisaallunilu sulineq pillugu malittarisassanik aalajangersagaqanngilaq, taamaattorli Ilisimatusarfik pillugu Inatsisartut inatsisaanni nr. 12, 12. juni 2019-meersumi § 15, imm. 2, nr. 4-mi aalajangersarneqarpoq, Ilinniagartuut siunnersuisoqatigiivi ilaatigut misiligummik aqqissuussinernik institut-ini siunnersuisoqatigiit inassuteqarnerisigut rektorimut inassuteqartussaasut. Aammattaaq misileraalluni inerisaallunilu sulineq pillugu malittarisassanik ilinniarnertuunngorniartarneq suliassa qarfiup aalajangersagaqarpoq.

2.2 Ataatsimiititaliami eqqarsaatersuutaasinnasut

Isiginnaartitsisunngorniartarneq ukiuni marlunni inuussutissarsiummut, 120 ECTS pointinik pissarsiffiusartumik ilinniartuunngorniartarneq akuerineqarnissamut misilitsinnermi angusinikkut ilinnialertoqarsinnaanera suli piumasaqaatigalugu 180 ECTS pointinik pissarsiffiulerluni bacheloritut ukiuni pingasuni ilinniartuunngorniartarneq allannortinneqarnissaa pillugu Nunatta Isiginnaartitsisarfia ullormi 1. oktober 2020-mi Ilinniartitaanermut, Kultureqarnermut Ilageeqarnermullu Naalakkersuisoqarfiup inassuteqarpoq. Tamanna tunuliaqutaralugu QI-

inatsimmi killiliussat iluini eqqumiitsuliornermik qaffasinnerusumik ilinniakkamik pilersitsinissaq pillugu Nunatta Isiginnaartitsisarfia eqqartueqatigineqarsimavoq.

2.3 Naalakkersuisoqarfiup eqqarsaatersuutai

Eqqumiitsuliornermik qaffasinnerusumik ilinniarfiit

QI-inatsimmi qaffasinnerusumik ilinniarfiit teoriimut tunngasunik atuagarsornermillu annertunerusumik imallit ilinniarnertuunngorniarfimmi il.il. inatsimmut ilaasuni angusisimanissamik piumasaqaateqarpoq. Taamaattumik siunnersuummik eqqumiitsuliornermik ilinniarfinnik neqeroorsinnaanissaq matumanilu ilinnialernissamut piumasaqaatit saneqqunneqarsinnaanissaat kissaatigineqarpoq, taamaalilluni eqqumiitsuliornermik ilinniarfimmi ilinniartussanik akuersinermi qinnuteqartup pikkoriffii piginnaasaalu ilinniarfimmi ilinnialernissaannut tunngaviussallutik.

Eqqumiitsuliornermik ilinniarfinni assersuutigalugu isiginnaartitsinermi, isiginnaagassiani, nipilersukkani, assilissanik eqqumiitsuliornermi il.il. eqqumiitsuliorneq tunngaviuvoq, illuatungaani ilinniarfiit ilisimatuussutimik pingaarnertut tunngaveqartarlutik. Tamatumunnga atatillugu tunngavinnik naleqqussarsinnaasunik qulakkeerinnittumik siunnersuusiornissaq pingaaruteqarsimavoq. Taamaattumik ilinniarfiusinnaasut assigiinngitsut iluini eqqumiitsuliornermik ilinniarfinnik siunissami neqeroorsinnaanerup killilinninnissaa anguniarlugu ilinniarfinnut assigiinngitsunut tunngatillugu ilinnialernissamut piumasaqaatit akuersisarnerlu pillugit QI-inatsimmi aalajangersakkanik saneqqutsisinnaanermut ataatsimut isigalugu periarfissaqarnissaa kissaatigineqarpoq.

Taamatuttaaq tassunga atatillugu naatsorsuutigineqarpoq isiginnaartitsisunngorniarfimmi ilinnialernissamut piumasaqaatit akuersisarnerlu pillugit nalunaarut, siunnersuutip matuma akuerineqarnerata kingunerisaanik atuutilersinneqassasoq. Matumani qinnuteqarnermi akuersisarnermillu periaasissat erseqqinnerusumik malittarisassiorneqarnissaat naatsorsuutigineqarpoq.

Ilinniarnermi ileqqorissaarnissamillu malittarisassat

QI-inatsimmi ilinniarnermi pissuserissaarnissamillu malittarisassanik aalajangersaasarneq pillugu aalajangersakkanik ilanngussinermi, ilinniarnermi pissuserissaarnissamillu malittarisassanik aalajangersaanermut, tassunga ilanngullugu ilinniartunut pineqaatissiissutissanik aalajangersaanermut erseqqissumik tunngaveqarnissaq qulakkeerniarlugu tunngaviup erseqqissarneqarnissaa kissaatigineqarpoq. Aammattaaq siunnersuutigineqarpoq Naalakkersuisut ilinniarnermi pissuserissaarnissamillu malittarisassat pillugit erseqqinnerusunik aalajangersagaliorsinnaasut.

Nakkutilliinissamut pisussaataaffik

Ilinniarfinnut neqeroorutigineqartunut Naalakkersuisut nakkutilliinissamut pisussaataaffeqarnerannik tunngaviusup QI-inatsimmi erseqqissarneqarnissaa aamma

naleqquttuursorineqarpoq. Tamanna siuliani oqaatigineqareersutut inuussutissarsiutinut ilinniarfiit ilinniarnertuunngorniarfillu pillugit inatsisini atuuttooreerpoq.

Inatsisitigut pisussaaffiup maleruarnissaanut pisariaqarpat inunnik paasissutissanik taamaallaat suliaqartoqarsinnaanera Inunnik paasissutissanik suliarinnittarneq pillugu inatsisip Kalaallit Nunaanni atuutilersinneqarnissaa pillugu peqqussut nr. 1238 14. oktoberi 2016-imeersumi § 6, imm. 1-imi nr. 3-kkut aalajangersarneqarpoq. Taamaattumik nakkuttilliinissamut pisussaaffimmut atatillugu kisitsisitigullu paasissutissanik suliaqarnissaq siunertaralugu paasissutissanik pisarialinnik tamanik pissarsiorsinnaanissamut tunngavimmik erseqqissumik QI-inatsimmut ilanggussinissaq naleqquttuursorineqarsimavoq.

Misileraalluni aaqqissuussinerit

Qaffasinnerusumik ilinniarfinnik inerisaanermut ilaasumik misileraanernik aaqqissuussisoqarsinnaanissaa siunnersuummi kissaatigineqarpoq. Misileraanermik aaqqissuussinerit taakkua atorlugit ilinniarfinnut suliniutinik nutaanik inerisaanissamut misilittakkanik ilisimasanillu katersisinaanissaq tassungalu atatillugu ilinniarfinnik nutaanik atuutilersitsisarnerup eqaannerulerneranik qulakkeerinninnissaq kiisalu misileraanermik aaqqissuussinerit tunngavigalugit ilinniarfinnik pioreersunik naleqqussaanaissaq ineriartortitsinissarlu naatsorsuutigineqarput.

Kingunerisaanik inatsisini allani allannguinuq

Siunnersuut tunngavigalugu isiginnaartitsisarfeqarneq pillugu inatsisip iluarsineqarnerata kingunerisaanik allannguinissamut pisariaqartitsisoqarpoq. QI-inatsimmi ilinniagassap aaqqissuunneri kingornalu allannguutit annertuut Naalakkersuisunut tusarniaassutigineqartarput, tassannga allaanerusumik Isiginnaartitsisarfeqarneq pillugu inatsimmi § 11, imm. 3 naapertorlugu Nunatta Isiginnaartitsisarfiata Ilinniartitsinerimut Siunnersuisoqatigiit tusarniaaffigereerlugit ilinniarnep aaqqissugaanerata allaaserinera, Naalakkersuisunut akuerisassatut nassiunneqartussaq suliarissavaa. Taamaattumik Isiginnaartitsisarfeqarneq pillugu inatsimmi aalajangersagaq taanna Isiginnaartitsisarfeqarneq pillugu inatsisip iluarsineqarneranut atatillugu allanngortinneqarnissaa siunnersuutigineqassaaq, taamaalilluni ilinniagaq taanna, ilinniagassap aaqqissuunneqarnissaanut tunngatillugu malittarisassat assinginit, soorluttaaq qaffasinnerusumik ilinniakkanut allanut malittarisassanit malittarisassaqartinneqassallutik. Ilinniakkap qaffasinnerusumik ilinniakkatut neqeroorutigineqalernissaata tungaanut Isiginnaartitsisarfeqarneq pillugu inatsimmi malittarisassat pisariaqartinneqassapput.

3. Pisortanut aningaasaqarnikkut allaffissornikkullu kingunerisassai

Siunnersuut pisortaqarfimmut aningaasaqarnikkut imaluunniit aqutsisoqarnikkut sunniuteqassanngitsutut naatsorsuutigineqarpoq.

4. Inuussutissarsiortunut aningaasaqarnikkut allaffissornikkullu kingunissai

Siunnersuutip kommuninut allaffissornikkut imaluunniit aningaasaqarnikkut kinguneqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunissai

Siunnersuut avatangiisinut, pinngortitamut innuttaasullu peqqissusaannut kinguneqarnissaa naatsorsuutigineqanngilaq.

6. Innuttaasunut kingunissai

Ilinniarfinni ilinnialernissamut akuersisarnermullu immikkut ittumik malittarisassaqaartitsisoqarnissaanik periarfissalimmik, ilinniarfeqarfiit eqqumiitsuliornermik qaffasinnerusumik ilinniarfinnik neqeroorsinnaanissaat siunnersuutitigut periarfissaalissaaq. Siunnersuut malittarisassallu manna naapertorlugu atuutilersinneqartut, innuttaasut qaffasinnerusumik ilinniarsinnaalernissaannik periarfissiipput siunnersuullu innuttaasut nunani allani, matumani qaffasinnerusumik ilinniarnermut ilinniakkap atorineqarnissaanut iluaqutaasinnaanissaa naatsorsuutigineqarluni.

7. Kingunerisinnaasat annertuut allat

Siunnersuut allatigut annertuunik kinguneqassasoq naatsorsuutigineqanngilaq .

8. Pisortanik aamma kattuffinnik il.il. tusarniaaneq

Siunnersuut piffissami 19. maj 2021-miit 16. juni 2021-p tungaanut tusarniaanernut isaaffikkut pissarsiarineqarsinnaasunngorlugu tamanut tusarniaassutigineqarpoq susassaqaartunullu nassiunneqarsimalluni, tak. ilanngussaq 2.

Aalajangersakkanut ataasiakkaanut nassuiaatit

§ 1-imut

Nr. 1-imut

Siunnersuummi § 1, nr. 4-p kingunerisaanik aaqqiissuteqarnissaq pineqarpoq.

Taamaattumik § 31 a-mut innersuussinikkut ilinnialernissamut piumasaqaatit saneqqunnissaannut periarfissap aalajangersarneqarsimasup erseqqissarneqarnissaa siunertaavoq.

Nr. 2-mut

Imm. 1-imut

Aalajangersakkami takuneqarsinnaavoq ilinniarfimmi pisortap ilinniarnermi pissuserissaarnissamillu malittarisassat aalajangersassagai. Naalakkersuisut aalajangersakkami imm. 3 malillugu killiliussatut aalajangersagaasa iluanni malittarisassat suliarineqassapput.

Malittarisassat ilaatigut najuuttussaaitaanermut, ilinniartitsinermi peqataalluarnissamut, misilitsinnermi peqquserlunnermut, issuaanermit il.il. tunngasinnaapput. Taamaattorli malittarisassat ilinniartut atuarfimmi pissusilersortarnerannut, soorlu avatangiiserisanut nipiliortarnermut mianerinnittarnermullu aamma tunngasinnaapput. Aamma inunnut innarluutilinnut immikkut malittarisassiortoqarsinnaavoq allat assigalugit ilinniarsinnaanissaat qulakkeerniarlugu.

Ilinniartut ilinniarfeqarfiup ilinniarnermi pissuserissaarnissamillu malittarisassaasa imaannik imm. 2 malillugu ilisimatineqassapput, taamaalillutik ilinniartut malittarisassanik unioqqutitsinerup kingunerisinnaasaannik ilisimanninniassammata. Ilinniarnermi pissuserissaarnissamillu malittarisassat aammattaaq Naalakkersuisunut ilisimatitsissutitut nassiunneqassapput. Taamaaliornikkut Naalakkersuisut ilinniarnermi pissuserissaarnissamillu malittarisassat killiliussat aalajangersakkami imm. 3 malillugu aalajangersarneqarsimasut iluiniinersut qulakkeersinnaassavaat.

Imm. 2-mut

Ilinniarnermut ileqqorissaarnissamullu malittarisassanik unioqqutitsisut pillugit inaarutaasumik aalajangiisinnaasoq tassaassaaq ilinniarfimmi pisortaq. Taamaattoq ilinniarfimmi pisortap aqutsinermi pisinnaatitaaffiit nalinginnaasut naapertorlugit suliassaq tamanna immikkoortortaqrifiit pisortaannut isumagisassanngortissinnaavaa.

Ilinniarnermi pissuserissaarnissamillu malittarisassanik unioqqutitsineq ilinniartup pineqaatissinneqarneranik kinguneqarsinnaavoq. Pineqaatissiissut unioqqutitsinerup sakkortussusaanut naapertuutissaaq, ataasiakkaallu unioqqutitsinerisa sakkortussusiannik erseqqissumik naliliinermik unioqqutitsinermilu allatigut pissutsinik tunngaveqassalluni.

Pineqaatissiissutaasinnaasut assigiingitsut ilinniarnermi ileqqorissaarnissamillu malittarisassani ersissapput, assersuutigalugulu tassaasinnaallutik uparuaaneq, allakkatigut mianersoqqusineq, soraarummeernernit ataasiakkaanit anisitaaneq, ilinniarnermi anisitaaneq assigisaalluunniit.

Imm. 3-mut

Naalakkersuisut allaffissornikkut peqqussut aqutugalugu ilinniarnermi pissuserissaarnissamillu malittarisassat ilusilersornissaannut tunngaviliisumik malittarisassiussapput.

Malittarisassat najuuttussaaitaanermut tunniussisussaaitaanermullu, ilinniartitsinermi peqataalluarnissamut, atuanngitsoornernut, misilitsinnermi peqquserlunnernut taamatuttaarlu ilinniartut ilinniarfimmi pissusilersornerannut tunngassuteqarsinnaapput. Malittarisassani aamma inuit innarluutillit pillugit immikkut malittarisassanik ilaqarsinnaapput.

§ 17, imm. 2, nr. 5, litra d-mut nassuiaatini takuneqarsinnaavoq ilinniakkap aqqissuunnerani ilinniakkanut ataasiakkaanut najuuttussaaitaanermut peqataasussaaitaanermullu malittarisassanik aalajangersaasoqarsinnaasoq. Taamaattorli ilinniakkap aqqissuunnerani najuuttussaaitaanermik peqataasussaaitaanermillu aalajangersakkat Naalakkersuisut ilinniarfeqarfiup ilinniarmi pissuserissaarnissamillu malittarisassiaannut naapertuutissapput.

Nr. 3-mut

Siunnersuummi § 1, nr. 4-p kingunerisaanik aqqiissuteqarnissaq pineqarpoq.

Taamaattumik § 31 a-mut innersuussinikkut ilinnialernissamut piumasaqaatit saneqqunniisaannut periarfissap aalajangersarneqarsimasup erseqqissarneqarnissaa siunertaavoq.

Nr. 4-mut

Aalajangersakkap ilanngunnissaa siunnersuutigineqarpoq aalajangersakkami nutaami ilinniartunngornissamut akuerisaanermut tunngasumi, tassa ilinnialernissamut piumasaqaatinut tunngammat.

Imm. 1-imut

Aalajangersakkami takuneqarsinnaavoq, Naalakkersuisut eqqumiitsuliornermik qaffasinnerusumik ilinniarfinni ilinniartussanik akuersinermut atatillugu ilinnialernissamut piumasaqaatinik saneqqutsisoqarnissaa akuerisinnaagaat.

Taamaalilluni bacheloritut ilinniarfinnut akuerineqarnissamut ilinniarnertuunngorniarfimmi, tassunga ilanngullugu ilinniarnertuunngorniarnermi immikkut aqqissuussami angusisimanissaq, ilinnialernissamut piumasaqaatinik immikkut ittunik kiisalu karakteritigut piumasaqaataajunnartunik naammassinissimanissaq piumasaqaataanngillat. Taamatuttaaq ilinniakkanut allanut tunngatillugu ilinnialernissamut piumasaqaatinik saneqqutsisinnaanissaq aamma akuerineqarsinnaassaaq.

Naalakkersuisut ilinniarfinni ilinnialernissamut piumasaqaatinik saneqqutsisinnaanissamik akuersisinnaanerannut atatillugu nalilersuinermi tunngavissamik allamik naleqquttumik, soorlu qinnuteqartup pikkoriffiinik piginnaasaanillu nalilersuinermut atatillugu akuerineqarnissamut misilitsinnermik piumasaqaateqarnissaq pingaartinneqassaaq.

Eqqumiitsuliornermik qaffasinnerusumik ilinniarfiit tassaapput qaffasinnerusumik ilinniarfiit eqqumiitsuliornermik tunngasutigut, soorlu isiginnaartitsinermik, assilissanik eqqumiitsuliornermik nipilersuusiornermillu ilinniarfiusut.

Imm. 2-mut

Aalajangersakkami Naalackersuisut ilinniarfinni qaffasinnerusuni ilinnialernissamut piumasagaatit akuersisarnerlu pillugit saniatigut malittarisassanik aalajangersaasinnaanerat aalajangersarneqarpoq.

Ilinniartunngorsinnaanermut malittarisassat pillugit ilaatigut tassaasinnaapput eqqumiitsuliornermi ilinniarfinnut qaffasinnerusunut ilinniartunngorsinnaanermut tunngaviit suut atorneqassanersut, matumanilu eqqumiitsuliornermi qaffasinnerusumik ilinniarfiit ataasiakkaat sorliit pillugit.

Nr. 5-imut

Aalajangersakkakut aalajangersarneqarpoq Inatsisartut inatsisaanni § 35-mi nutaamik allanneqassasoq, taamaalilluni tassuuna aalajangiisinnaanermut tunngasoq taanna ilinnialertussanut ersarinnerusunik malittarisassiornerinnarmut tunngassalluni. Aalajangersagaq Inatsisartut inatsisaanni atuuttumi isersinnaanermut ilinniartussatullu tigutissinnaanermut tunngatinneqarpoq. Aalajangiisinnaanermut tunngasortaata marlunnut aalajangiisinnaanernut immikkoortunut avinnissaa siunertamut tulluartinneqarneruvoq. Taamaalilluni siunnersuutigineqarpoq ilinnialersinnaanermut tunngasumik akuersisartuunermut akisussaasut pillugit malittarisassat ersarinnerit ilinnialersussanik tiguisarnermik immikkoortumut inissinneqassaaq.

Malittarisassat assersuutigalugu akuersisarnermut piumasagaatinut akuersisarnermullu periutsumik aalajangiinermut, tassunga ilanngullugu eqqumiitsuliornermik ilinniarfinnut akuerisaanissamut atatillugu misilitsinnernut tunngassuteqarsinnaapput.

Nr. 6-imut

§ 39 a-mut

Nakkutilliineq pillugu aalajangersagaq nutaajuvoq, tassuunakkullu Naalackersuisut qaffasinnerusumik ilinniarfinnut, tassunga ilanngullugu qitiusumik inuussutissarsiutinullu ilinniarfiit ilinniarfiillu allat akuerisat qaffasinnerusumik ilinniarfinnik akuerisamik neqeroortigineqarsinnaasunik isumaginninnerannik nakkutilliisussaataitanerat aalajangersarneqarpoq, tamanna ilinniartitsinerit inuiaqatigiinnit susassaqarfigineqarnerat eqqarsaatigalugu pingaartumik isigineqassaaq.

Tamatuma kingorna pisortatigut suliassaqarfiup pisussaaffigaa malittarisassanut atuuttunut naleqqiullugu uparuagassaajunnartunik uparuaanissaq, assersuutigalugu Inatsisartut inatsisaata imaluunniit taassuma nassatarisaanik malittarisassat atuuttuulersut unioqqutinneqarneri.

§ 39 b-mut

Paasissutissanik piniartarnermut aalajangersagaq aamma nutaajuvoq tassuunakkullu paasissutissanik piniartarnerup nakkutilliinermut kisitsisitigullu paasissutissanik suliaqarnermut atatillugu pisarnissaa aalajangersarneqarluni.

Tamanna ilinniarsiit, ilinniartut sulisullu pillugit paasissutissat nakkutilliinermut kisitsisitigullu paasissutissanik suliaqarnermut pisariaqarnermut pillugu Naalakkarsuisut missingiinerannut tunngaveqarpoq. Paasissutissat suliarineranni nassiunnerannilu isumalluutit tamarmiusut imminnut naapertuunnersut taamatut nalilersuinermi isiginiarneqassaaq, taamaalilluni ilinniarsiit pisariaqanngitsumik suliakkerneqassanatik.

§ 39 c -mut

Misileraalluni inerisaallunilu sulineq pillugu aalajangersagaq nutaajuvoq.

Misileraalluni sulineq aamma ilinniartitseriaatsimik ineriartortitsilluni sulineq tassaasinnaapput allaffissornermut, aaqqissuussaanermut imaluunniit ilinniartitseriaatsinut tunngasut.

Imm. 1-imi oqaaseqatigiit aappaanni ilinniartup illersorneqarnissaa siunertaavoq. Taamaalilluni misileraalluni sulinerup aammalu ilinniartitseriaatsinik inerisaalluni sulinerup siuarsarnissaat siunertaralugit Inatsisartut inatsisaanni saneqqunneqarnerata ilinniartunut eqqorneqartunut ajortumik kinguneqannginnissaa qulakkeerneqassaaq. Siunertat taamaattut siuarsarniarlugit Inatsisartut inatsisaannik saneqqunnissaanut ilinniartut akuersisinnaanerit immikkut pingaaruteqanngilaq, tassa ilinniartut ilinniarnermik naammassinninnissamut pisinnaatitaaffitik taamaatiinnarsinnaanngimmatigit.

Aalajangersagaq immikkoortumi 2-miittoq assersuutigalugu atorneqarsinnaavoq, ilinniarteqarfiup kukkuluttornera pissutigalugu aatsaat ilinniakkap naanerani paasineqarpat, ilinniartup misilitsinnerit pisariaqartut misilitsissutigisimangikkai.

§ 2-mut

Inatsisartut inatsisaat ullormi 1. januar 2022-mi atuutilernissaa siunnersuutigineqarpoq. Tamanna ilinniakkap 2022-mi augustimi aallartinnissaanut atatillugu qinnuteqarfissatut piffissaliussaag sioqqullugu Inatsisartut inatsisaata atuutilersinnaanissaata naleqquttuuneranik tunngavilersorneqarsimavoq.

Siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Siunnersuut</i>
	§ 1 Qaffasinnerusumik ilinniartitaanerit pillugit Inatsisartut inatsisaanni nr. 14, 12. juni 2019-imeersumi uku allanngortinneqarput:
<i>Imm. 2.</i> Qaffasinnerusumik ilinniagaq teorimut tunngasunik atuagarsornermillu annertunerusumik ilinniarfiuvoq, ilinnialerfigissagaanni ilinniarnertuunngorniarfimmi angusisimanissaq piumasaqaataalluni, tassunga ilanngullugu ilinniarnertuunngorniarfimmi immikkut aaqqissuussamik ilinniagaq imaluunniit inuussutissarsiummut ilinniagaq.	1. § 1, imm. 2-mi oqaaseqatigiit siulliit ima oqaasertalerneqarput: ” Qaffasinnerusumik ilinniagaq teorimut tunngasunik atuagarsornermillu annertunerusumik ilinniarfiuvoq, ilinnialerfigissagaanni ilinniarnertuunngorniarfimmi angusisimanissaq piumasaqaataalluni, tassunga ilanngullugu ilinniarnertuunngorniarfimmi immikkut aaqqissuussamik ilinniagaq imaluunniit inuussutissarsiummut ilinniagaq, taamaattorli § 31 a tak.”
	2. § 17-ip kingornagut kapitali 2 ilanngunneqarpoq: <i>”Ilinniarnermut ileqqorissaarnermullu malittarisassat</i> § 17 a. Ilinniarfiup pisortaata ilinniarnermut ileqqorissaarnermullu malittarisassat aalajangersassavai, taamaattorli imm. 3 takuuk. Ilinniarfiup pisortaata ilinniarnermut ileqqorissaarnermullu malittarisassat ilinniartunut ilisimatitsissutigissavai. Ilinniarfimmi pisortap ilinniarnermut ileqqorissaarnermullu malittarisassat ilisimatitsissutitut Naalakkersuisunut nassiutissavai. <i>Imm. 2.</i> Ilinniarfimmi pisortaq ilinniartunut ilinniarnermut ileqqorissaarnermullu malittarisassanik

	<p>maleruaanngitsunut pineqaatissiinissaq pillugu aalajangiissaaq. Ilinniarfimmi pisortap ilinniartut, ilinniarnermut ileqqorissaarnermullu malittarisassanik arlaleriarlutik sakkortuumilluunniit unioqqutitsisut anisissinnaavai.</p> <p><i>Imm. 3.</i> Naalackersuisut ilinniarnermi pissuserissaarnissamillu malittarisassat pillugit malittarisassanik erseqqinnerusunik aalajangersaassapput, tamatumunnga ilanngullugit pinngitsoorani takkuttussaaneq aamma ilinniartunut ilinniarnermi pissuserissaarnissamilu malittarisassanik maleruaanngitsunut pineqaatissiisarnissat pillugit malittarisassat."</p>
<p><i>Imm. 3.</i> Imm. 1 malillugu qinnuteqaatinut ilinniakkamut ilinnialerfissatut qinnuteqarfigisamut ingerlariaqqissutaasinnaasutut uppersaaitit ilanngunneqassapput.</p>	<p>3. § 20, imm. 3-mi oqaaseqatigiit siulliit ima oqaasertalerneqarput: ”1 malillugu qinnuteqaatinut ilinniakkamut ilinnialerfissatut qinnuteqarfigisamut ingerlariaqqissutaasinnaasutut uppersaaitit ilanngunneqassapput, taamaattorli § 31 a tak."</p>
	<p>4. § 31-p kingornagut kapitali 3-mi ivertinneqassaaq: ” § 31 a. Naalackersuisut eqqumiitsuliornermik qaffasinnerusumik ilinniarfinni ilinniartussanik akuersinnermut atatillugu ilinnialernissamut piumasaqaatinik saneqqutisisoqarnissaa akuersinnaavaat.</p> <p><i>Imm. 2.</i> Naalackersuisut qaffasinnerusumik ilinniarfinni akuersaanissamut malittarisassanik erseqqinnerusunik aalajangersaasinnaapput."</p>
<p>§ 35. Naalackersuisut qaffasinnerusumik ilinniarfinni ilinnialernissamut akuersaanissamullu malittarisassanik erseqqinnerusunik aalajangersaasinnaapput.</p>	<p>5. § 35 ima oqaasertalerneqassaaq: ” § 35. Naalackersuisut qaffasinnerusumik ilinniarfinni ilinnialernissamut malittarisassanik erseqqinnerusunik aalajangersaasinnaapput."</p>
	<p>6. § 39-p kingornagut ilanngunneqarpoq:</p>

*”Paasissutissanik nakkutilliineq
pissarsiortarnerlu*

§ 39 a. Naalackersuisut ilinniakkat ilinniartitsinerlu Inatsisartut inatsisaat manna malittarisassallu taanna malillugu aalajangersarneqartut naapertorlugit nakkutigissavaat.

§ 39 b. Naalackersuisut ilinniarfik, ilinniakkamut qinnuteqartut sulisullu pillugit paasissutissat pisariallit tamaasa ilinniarfeqarfinit, qaffasinnerusumik ilinniakkanik neqerooruteqartunit piniarsinnaavaat, taamatuttaarlu nakkutilliinissaq kisitsisitigullu paasissutissanik suliaqarnissaq siunertaralugit ilinniarfeqarfinnut alakkarsinnaapput matumunngalu malittarisassanik aalajangersaasinnaallutik.

Imm. 2. Tassunga atatillugu Naalackersuisut ilinniarfeqarfiillu qaffasinnerusumik ilinniakkanik neqerooruteqartut akornanni elektroniskiusumik attaveqatigiinneq, tassunga ilanngullugit paasissutissanik tunniussinermut atatillugu qanoq ittuunissaat ilusissaallu pillugit malittarisassanik Naalackersuisut aalajangersaasinnaanissaannut tunngavissamik ilanngussisoqarnissaa siunnersuutigineqarpoq. Aammattaaq Naalackersuisut nakkutilliinissamut isumannaallisaanissamullu piumasaqaatinik aalajangersaasinnaapput.

Misileraalluni inerisaallunilu suliat

§ 39 c. Naalackersuisut immikkut pisoqartillugu inatsit sanioqqussinnaavaat, tamanna misileraalluni sulinissap perorsaanikkullu inerisaanissap

	<p>siuarsarnissaanik peqquteqarpat. Misileraalluni inerisaallunilu suliat ilinniartut ilinniakkaminnik inuussutissarsiummut ilinniakkamut, qaffasinnerusumik ilinniakkamut akuerineqarnissamut periarfissaannik allatigulluunniit pisinnaatitaaffiinik ajornerulersitsinnginnissaat piumasaqaataavoq.</p> <p><i>Imm. 2. Naalakkersuisut immikkorluinnaq ittunik pisoqartillugu ilinniartunut ataasiakkaanut tunngatillugu inatsit sanioqqussinnaavaat."</i></p>
	<p style="text-align: center;">§ 2</p> <p>Inatsisartut inatsisaat ulloq 1. januar 2022- mi atuutilissaaq.</p>

Tusarniaanermut allakkiaq

Siunnersuut tusarniaaffigineqartunut ukuninnga tusarniutigineqarpoq:

Naalakkersuisut Siulittaasuata Naalakkersuisoqarfia

Ineqarnermut, Attaveqatigiinnermut Naligiissitaanermullu Naalakkersuisoqarfik

Aningaasaqarnermut Nunamullu Namminermt Naalakkersuisoqarfik

Aatsitassanut Naalakkersuisoqarfik

Aalisarnermut Piniarnermullu Naalakkersuisoqarfik

Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik

Inuussutissarsiornermut, Niuernermut, Nunanut Allanut Silallu Pissusaata Allangoriartorneranut Naalakkersuisoqarfik

Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalakkersuisoqarfik

Peqqissutsimut Naalakkersuisoqarfik

Isumaginninnermut Sulisoqarnermullu Naalakkersuisoqarfik

MIO

Innarluutillit Illersuisuat Tilioq

Inuit Pisinnaatitaaffii pillugit Nunatsinni Siunnersuisoqatigiit

Knud Rasmussenip Højskolia

Sulisartut Højskoliat

Avannaani ilinniarnertuunngorniarfik

GUX Nuuk

Kalaallit Nunaanni Teknikimik Ilinniarfik (KTI)

Campus Kujalleq

INUILI

Kalaallit Nunaanni Imarsiornermik Ilinniarfik

Niuernermik Ilinniarfik

Ilisimatusarfik

Perorsaanermik Ilinniarfik

Savaatilinnorniat Ilinniarfiat
Eqqumiitsuliornermik Ilinniarfik
Nunatta Isiginnaartitsisarfia
Nuna Tamakkerlugu Iltersuisarfik
Aarhusimi Kalaallit Illuat
Odensemi Kalaallit Illuat
Aalborgimi Kalaallit Illuat
Københavni Kalaallit Illuat
Sulisitsisut
SIK
Kommune Kujalleq
Kommuneqarfik Sermersooq
Qeqqata Kommunia
Avannaata Kommunia
Kommune Qeqertalik
IMAK
ASG
AK
NPK
NIISIP
Avalak
ILI ILI

Tusarniaaffigineqartunit makkunanga tusarniaanermut akissuteqaat tiguneqarpoq:

- 1) Kommune Qeqertalik,
- 2) Avannaata Kommunia,
- 3) Isumaginninnermut Sulisoqarnermullu Naalackersuisoqarfik,
- 4) Meeqqanut, Inuusuttunut, Ilaqutariinnut, Inatsisillu Atuutsinneqarnerannut Naalackersuisoqarfik,
- 5) Aalisarnermut, Piniarnermut Nunalerinermullu Naalackersuisoqarfik,
- 6) Ineqarnermut, Attaveqatigiinnermut Naligiissitaanermullu Naalackersuisoqarfik
- 7) Aningaasaqarnermut Nunamullu Namminermut Naalackersuisoqarfik

- 8) Sulisitsisut
- 9) Tilioq – Inuit Innarluutillit Illersuisoqarfiat
- 10) Ilisimatusarfik
- 11) Kaalaallit Nunaanni Inuussutissarsiutinut Ilinniarfiit (KNNI)

Tusarniaaffigineqartut nr. 2-6 aamma 10 siunnersuummut oqaaseqaateqarsimanngillat.

Tusarniaaffigineqartup nr. 1-ip siunnersuummut isumaqataalluni oqaatigaa.

Tusarniaaffigineqartumit nr. 8-mit akissut siunnersuummi naqqiinissamut tunngavissiivoq, tassa naqinnerliuisoqarsimammat.

Tusarniaanermi akissuteqartup nr. 9-p akissutai ilinniarnermut ileqqorissaarnissamullu malittarisassanut tunngatillugu nassuiaatini ersarissaatitsivoq, tassanilu aamma pineqarlutik inuit innarluutillit immikkut malittarisassiuunneqarsinnaanissaat. Aamma taamaappoq ilinniarnermut ileqqorissaarnissamullu tunngasunik malittarisassat ilinniarfiup pisortaata aalajangersagai.

Tusarniaanermut akissutit takkuttut sinneri siunnersuummi allannguisoqarnissanut tunngavissiisimanngillat.

Tusarniaanermi akissutit ilanngussaq ataani ilanngunneqarput oqaaseqarfigineqarlutillu.

Siunnersuummik inatsisitigut misissorneqarnerata kinguneraa § 1, nr. 4-mik nutaamik ikkussinermik, § 31 kapitali 3-mi nutaamik ikkussinermi § 31 a-mik aalajangersaasoqarluni. Aamma siunnersuummi § 1, nr. 4-raaqaartumi § 35-mik oqaasertaliussat § 1, nr. 5-imik allanngortinneqarput.

Aalajangersakkap oqaasertai § 31 a-mik ikkussinissamik siunnersuuteqarnikkut allanngortinneqarput. Tassunga innersuussinerit §1, nr. 4-mi aamma 5-imi itisiliiffiupput.

Nr.	Tusarniaavigine-qartoq	Oqaasertaliussat	Oqaaseqaatigineqartumut oqaaseqaatit
1	Kommune Qeqertalik	Siunnersuummut tapersiut	Siunnersuummi allannguinissamut tunngavissiinnngilaq.
2	Avannaata Kommunia	Siunnersuummut oqaaseqaateqanngilaq	Siunnersuummi allannguinissamut tunngavissiinnngilaq.
3	Isumaginninnermut Sulisoqarnermullu	Siunnersuummut oqaaseqaateqanngilaq	Siunnersuummi allannguinissamut tunngavissiinnngilaq.

	Naalakkersuisoqarfik		
4	Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalakkersuisoqarfik	Siunnersuummut oqaaseqaateqanngilaq	Siunnersuummi allannguissamut tunngavissiinngilaq.
5	Aalisarnermut, Piniarnermut Nunalerinermullu Naalakkersuisoqarfik	Siunnersuummut oqaaseqaateqanngilaq	Siunnersuummi allannguissamut tunngavissiinngilaq.
6	Ineqarnermut, Attaveqatigiinnermut Naligiissitaanermullu Naalakkersuisoqarfik	Siunnersuummut oqaaseqaateqanngilaq	Siunnersuummi allannguissamut tunngavissiinngilaq.
7	Aningaasaqarnermut Nunamullu Namminermut Naalakkersuisoqarfik	Naalakkersuisoqarfiup tusarniaanermi akissutini eqikkakkamik ima eqikkaavoq: ”Eqqumiitsuliornermik ilinniarfinni sivikinnerusuni ingerlanneqartartuni takorloorneqarsinnaalluarpoq siusinnerusukkut atuagarsornermik killilimmik piumasaqaateqartoqarsinnaanera. Eqqumiitsuliornermilli ilinniarfinni bachelorinngorniarfusinnaasuni naatsorsuutigineqartarpoq qinnuteqartut HF/ilinniarnertuunngorsimanissa at oqaatsit pingaartinnerullugit (kalaallisut, qallunaatut, tuluttut kiisalu/ imaluunniit inuiaqatigiilerineq), ilinnialernissamut	Siunnersuummi allannguisoqanngilaq taamaammallu oqaaseqaat siunnersuummi allannguissamut tunngavissiisimanani. Taaneqartunut oqaatigineqassaaq siunnersuummi anguniarneqarmat Naalakkersuisut eqqumiitsuliornermik qaffasinnerusumik ilinniarfinnut akuersisarnermut piumasaqaatinik immikkut sanioqqussinnaanerannik akuersisinnaassasut kiisalu Naalakkersuisut qaffasinnerusumik

		<p>misilitsittoqannginnerani.</p> <p>Kalaallit Nunaanni bachelorinngorniutaasumik isiginnaartitsisartunngorniarnermi annerusunik allanillu piumasaqataateqartoqarsinnaas- sanngilaq Danmarkimi assinganik ilinniarfinnut naleqqiullugit, ilinnialernissamut akuerineqassagaanni tamaani misilitsinnerit tunngaviusarmata.</p> <p>Naalakkersuisoqarfiulli naatsorsuutigaa Isiginnaartitsisartunngorniarn- fimmi bacheloritut qaffasitsigisumik ilinniarfiusussami qinnuteqartut misilitsinnginneranni atuagarsornermik arlaatigut piumasaqateqartoqassasoq.</p> <p>Aningaasaqarnermut Naalakkersuisoqarfiup tunngaviutippaa ilinniarnermut aningaasartuutit maanna missingersuutaareersut iluanni akilerneqarnissaat.</p> <p>Allannguutit taakku aallaavigalugit inatsisissatut siunnersuut tusaatissatut tiguneqarpoq.</p> <p>Tusarniaanermi akissummi eqikkakkami taaneqartumi itisiliisoqarpoq.</p>	<p>ilinniarfinnut isersinnaanissamut akuerisaanissamullu ersarinnerusunik malittarisassiornissaat.</p> <p>Naalakkersuisut taamaalillutik ilinniartussanik akuersinermut atatillugu piumasaqaatinik saneqqutsinissamut nalilersuinnerminni tassunga saneqqutsinissamut piumasaqaatinik aalajangersaasinnaassapput. Tamatumani aamma pineqarsinnaapput qinnuteqartut atuagarsornikkut piginnaasaannut tunngasut.</p> <p>Naalakkersuisut malittarisassanik aalajangersaanerminni ersarinnerusunik aaqqiissuteqarsinnaassapput, ilaatigut ilaatinneqarsinnaallutik ilinnialernissamik akuersinissamut piumasaqaatit aamma ilinnialersussanik akuersinermi suleriaatsit aalajangerneqarnerat, matumanilu ilinnialernissamut akuerineqarnissamik misilitsinnerit.</p> <p>Taamatut oqariarluni aalajangiutissallugu</p>
--	--	---	--

		<p>pingaaruteqarpoq inatsimmik saneqqutsinissap pingaarnertut siunertarissammagu tassaassammat maannakkutut ilinnialersussanik tiguisarnerit qinnuteqartup piginnaasai pikkoriffiilu suliamiit suliamut nalilersuilluni periaaseqartoqartarnissaa.</p> <p>Ilisimatitsissutigineqarsin- naavoq qallunaat eqqumiitsuliornermik ilinniarfiini qaffasinnerusuni malittariassatigut aalajangerneqarsimasunittaa q ilinnialersussanik akuersissuteqartarnernut aalajangiinerit pisassasut qinnuteqartut piginnaasai pikkoriffiilu immikkut naliliiffiginerisigut. Den Danske Scenekunstscole pillugu nalunaarut nr. 1475 1. oktober 2020-meersoq innersuussutigineqarpoq. Nalunaarummi aamma aalajangerneqarpoq ilinniarfik nalunaarutip sinaakkusiussaata iluani ilinniartussanik tiguisarnermi periaaseq pillugu ersarinnerusunik malittarisassanik aalajangersaasartoq, malittarisassallu taakku ilaatigut ilagaat ilinniarfimmi aallartinnissamik tunngavik,</p>
--	--	---

			nalilersuinermi piumasaqaatit kiisalu naliliineq.
8	Sulisitsisut	”Naalakkersuisut” § 39 b, imm. 2-mit peertariaqarpoq, oqaaseqatigiit ataqatigiinniassammata. Taakku saniatigut allanik oqaaseqaatissaqanngilaq.	Tassani pineqarpoq kukkuneq siunnersuummilu siunnersuutigineqartutut aaqqinneqartoq.
9	Tilioq – Inuit Innarluutillit Illersuisoqarfiat	§ 17a, imm. 3-mut Kalaallit Nunaata innarluutillit pillugit isumaqatigiisummik atuutsitsilereerpoq tassanilu ersarissarneqarluni artikeli 24-mi ilinniarsinnaatitaanermut tunngasoq. Ilinniartut innarluutillit allat assigalugit ilinniarsinnaanissaat eqqarsaatigalugu immikkut malittarisassiortoqarnissaa pisariaqalersinnaavoq. Ilinniartut ilaat innarluutillit assersuutigalugu piffissamik sivisunermik ilinniarnerminnut atortariaqarsinnaasarpaat, ilinniartinneqarnerminni misilitsinnerminnilu assigisaanniluunniit ikiutinik atuinissaminnut pisariaqartitsisinnaapput. Tamanna tunuliaqutaralugu Tiliup siunnersuutigaa § 17a-mi imaluunniit tassunga nassuiaatini ilinniarnermut malittarisassat aamma innarluutilinnut ilinniartunut immikkut malittarisassaqaarsinnaaneranik innersuussisumik ilaqartinneqaarsinnaanissaat. Siunnersuut tusarniaanermi akissummi itisiliisumik tunngavilersorneqarpoq.	Oqaaseqaat tunngavigalugu siunnersuummi nassuiaatini ilanngunneqarpoq malittarisassat aamma inunnut innarluutilinnut immikkut malittarisassaqaarsinnaanera- nik ilaqarsinnaasut.
10	Ilisimatusarfik	Siunnersuummut	Siunnersuummi

		oqaaseqaateqanngilaq	allannguinnessamut tunngavissiinnngilaq.
11.1	Kalaallit Nunaanni Inuussutissarsiutinut Ilinniarfiit (KNNI)	Nr. 2-mut tunngatillugu KNNI-p siunnersuutigissavaa oqaaseq §17a-, imm. 2-mi atorneqartoq "ersarinnerusumik" "pingaarnertut"-mik taarserneqassasoq. Tamatumani pissutaavoq Naalakkersuisut pingaarnertut malittarisassiortussaammata, ilinniarfimmilu pisortaq ilinniarfinni ataasiakkaanut atuuttussanik ersarinnerusunik malittarisassiortussaammat.	Oqaaseqaatit siunnersuummut allannguinnessamut tunngavissiisimangillat. Oqaaseq "ersarinnerusunik" atorneqarpoq Inatsisartut inatsisaanni ilinniarnermut ileqqorissaarnissamullu malittarisassat aalajangersarneqarsimmamata. Malittarisassat allaffissornikkut aalajangersarneqartussat taamaalillugit inatsisini aalajangersarneqarsimasunut malittarisassanut tapertaassapput. Siunnersuummut nassuiaatini takuneqarsinnaasutut eqqarsaat tassaavoq allaffissornikkut malittarisassat aalajangersarneqartut sinaakkusiissammata ilinniarfiit ilinniarnermut ileqqorissaarnissamullu qanoq malittarisassiornissaat pillugit.
11.2	Kalaallit Nunaanni Inuussutissarsiutinut Ilinniarfiit (KNNI)	KNNI-p misileraanernut suleriaatsinillu inerisaanernut atatillugu inatsimmit saneqqutsisinnaanissaq qujaruppa - taamaalilluni suliassaqarfimmi tamatumani nutaaliorsinnaanissamik siuarsaasinnaammat.	Siunnersuummi allannguinnessamut tunngavissiinnngilaq. Tamatumani siunnersuummut isumaqataaneq pineqarpoq.
11.	Kalaallit Nunaanni	Taakku saniatigut	Siunnersuummi allannguinnessamut

3	Inuussutissarsiutitut Ilinniarfiit (KNNI)	inuussutissarsiutinik ilinniarfiit inassutigaaq oqaaseq "eqqumiitsuliornermik" § 35-mi nutaami peerneqassasoq, tassa inatsimmik sanioqqutsinissamik tunngaviit taaneqartut ilinniakkanut allanut "eqqumiitsuliornermut" tunnganngitsunut ataneqartillugu atorsinnaanissaa eqqarsaatigineqarsinnaammat.	tunngavissiiingilaq. Naalakkersuisut isumaqarput siunertamut naapertuutinngitsoq Inatsisartut ilinnialersussanik akuersisarnermut piunasaqaatinik aalajangersagaannik Naalakkersuisut sanioqqutaarisinnaanissaat. Eqqumiitsuliornermik qaffasinnerusumik ilinniarfinni ilinnialernissamut piunasaqaatinik saneqqutaarinissamut periarfissaqarnera tunngavilersorneqarpoq ilinniarfinnut qaffasinnerusunut taama ittunut atuuttut eqqaaneqarlutik.
---	---	--	---